

# Dupf-Club Basel

## Alti Garde

### Fasnacht 2018



## Despotismus globalis oder dr usseri Grais vo der Höll

Do in der Altstadt, unter em Dach,  
es liggt ain scho die ganz Nacht wach:  
Dr alti Pierrot wäär baraat,  
am Kaschte hängt sy Fasnachtsstaat  
sy Kutte, jo die veieletti,  
die won äär doch gäärn draage wetti.  
Fir iin isch d Wält ganz uss de Fuege,  
und woon äär au duet aaneluege  
do sin halt Irri an der Macht  
und wenss soo wyttergoot: Guet Nacht!

Dert in Korea, ganz im Norde,  
e Kim duet do ganz schregglic morde.  
Dr aige Brueder, sygs halt drum,  
dää bringt dä Psychopaat jo um.  
Und Hundertdausig steen denn styyf,  
die sin firs Naarehuus doch ryff!  
Als Kind haig äär bizyte gleert,  
ass me sich halt mit Baschge weert,  
und bsinnt sich au no hitte gärn,  
and Schwingergriff im alte Bärn.

Was unsere Pierrot fuurchbar bloggt,  
isch, ass dä Glotz am Schalter hoggt,  
und je no syner Luscht und Luune,  
jä syny Spezi mien scho stuune,  
e nätt Rageetli losst denn starte,  
uff d Bembli duet jo d Wält nur warte!  
Vor Fraid, do glatscht äär sich ufd Gnei:  
d Atom, hurra, sin wiider frei!

Der Pierrot dänggt, jä nundefaane  
wo fiert denn das au nummen aane?  
In der Verzwyyflig winscht äär doch  
firs ussergweenlig Riiseloch  
im näggschte Joor als dääglic Rate  
uss Rizinus en Arschgranate!

Dr Erdogan, дәә vo de Tirgge,  
duet bim Verhaften ordlig wirgge.  
No Änderig vo Gsetz und «Rächt»  
goots de Gstudierte nur no schlächt,  
und wäär nid ganz im Geschter stoot,  
isch gfesslet oder gar scho doot.  
Au unter uns, den Aidsgenosse  
hett är jo Spitzel yyneglosse.

Der Pierrot meint: Nai aber au,  
e Burka jetzt fir jedi Frau,  
fir d Aggermaa wär das kai Gfoor,  
die nimmt men ooni au nit woor!

Der Trump, stiaalt, mit gfeiggte Hoor,  
und wenn är schwätzt, denn isch nyt woor,  
will Muure haa gäg Mexico  
und jo kai Fremden yyneloo.  
E Motte drait sogar sy Namme,  
bim Reede zaigt är sich denn amme  
mit Duume und em Zaigefing'  
die hinter Efnig, Klingeling!

Der Pierrot winscht däm Matscho-Dropf  
E bitzli Hirn im hoole Kopf!

Im Osten oobe, was isch kalt  
dert wietet e korrupti Gstalt.  
Jo, vyyll Milliarden isch дә schwäär  
Äär jagt im Wald au gäärn e Bäär,  
und mit em Schröder duet är danze  
sy Vollg, jä das friert halt an Ranze.  
Dä Putin isch e Wundergugge,  
är duet die dytschi «Mutti» drugge  
und pfläggt e Frintschaft mit de Tirgge,  
duet hindenumme gäg si wirgge.  
Dä goot jo iber jedy Lyych,  
si Credo: Hauptsach Ych! Ych! Ych!  
Fir Sotschi geen Milliarde wägg  
und d Sglaave sin dernoo im Drägg!

Der Pierrot konschtatiert nur baff  
in Basel gits au sonen Aff:  
Die gross Sangaller «*Bombe de Witz*»  
sy schiggt uff Frankrych au z'vyyll Stitz!

Bim Assad, doo vergoot aim s Gääne  
und s kemmen aim do nur no d Drääne.  
Die grossi Froog: Wäär gääge wäär?  
Die dääglic Antwort isch halt schwäär.  
Die halbi Wält macht yyfrig mit  
was doch nur sinnlos Dooti git.  
E Land voll Stai uff Drimmerhyffe  
wär ka das aigedig begryffe?  
D Millione Flüchtling an de Zöll  
Jä das isch wirglic nur no d Höll!

Der Pierrot isch ganz fuurchbaar dunde  
uff дәäre Wält gits als mee Wunde,  
in allen Äärddail wiete doch  
so granggi «Fierer» noch und noch,  
me kennt verzwyfflen in дәär Zyt  
der Untergang isch nimme wytt!  
Und wäge däm, so duet äär dängge  
do muess me jetzt dergääge längge!  
Das isch jo s scheen bi uns am Rhy,  
me ka doch maistens eerlig syy.  
An drey Dääg sot me d Kuttle butze  
das duet denn gäg der Cafard nutze.  
E Jeede haig fir sich denn Fraid,  
dr alti Pierrot het das gsait!



---

**D Ladäärne-Uusstellig uff em Minschterplatz  
isch vom Määntig znacht bis am Mittwoch demoorge!**

---

**Wotsch дә Zeedel loose, duesch дә QR scanne ↓**

**Wotsch leere drummlen oder pfyffe?**

Am Fryttignoomidaag, em 23. und  
am Samschtig, em 24. Hoornig,  
kasch uff em Barfi go schnubbere!

Dert kasch dy au informiere, zem Byschbyyl  
iber d Drummel- und Pfyfferschuel bim:



**Dupf-Club Basel Jungi Garde!**

An de baide Samschtignoomidääg, em 24. Hoornig und am 3. Meer-  
ze, ka me vo 2 bis 4 diräggt in Dupf-Club-Käller koo und sich in d  
Drummel- oder Pfyfferschuel ko aamalde: Pfäffergässli 8

**<http://www.dupf-club-alti-garde.ch>**

---